

**“O‘zmilliybank” AJning korrupsiya faktlariga doir murojaatlarni ko‘rib
chiqish natijalari haqidagi yillik
HISOBOT**

2022 yil davomida “O‘zmilliybank” AJning korrupsiya xolatlari haqida habar berishga mo‘ljallangan aloqa kanallari orqali jami **14 ta** murojaat kelib tushgan. Shulardan:

- ishonch telefoni (78 148-00-89) orqali **12 ta** (Toshkent shahardan – 3 ta, Samarqand viloyatidan – 3 ta, Buxoro viloyatidan – 3 ta, Namangan viloyatidan – 2 ta, Xorazm viloyatidan 1 ta, Surxondaryo viloyatidan -1 ta va Sirdaryo viloyatidan – 1ta) murojaat;
- Bankning web saytidagi “Korrupsiyaga qarshi kurashish” sahifasi orqali **2 ta** (Buxoro viloyatidan – 1 ta, Samarqand viloyatidan – 1 ta) murojaat kelib tushgan (jami 14 ta).

Yuqoridagilarni ko‘rib chiqish natijasida **12 ta** murojaatlar korruption holatlarga taalluqli emasligi sababli Bankning tegishli tuzilmalariga yuborilgan.

Shuningdek, Bankning web saytidagi “Korrupsiyaga qarshi kurashish” sahifasi orqali 2 ta murojaat bo‘yicha ishchi gurux tuzilib xizmat tekshiruvi o‘tkazilgan.

1-xolatda: Xizmat tekshiruvi natijasida Bankning Buxoro viloyat Romitan filiali xodimi mijozga kredit ajratilishida, ushu mijozning yaqin qarindoshi (otasi) bo‘la turib kredit qo‘mitasining a‘zosi sifatida ijobiy qaror qabul qilishda qatnashganligi sababli manfaatlar to‘qnashuviga yo‘l qo‘yan. Buxoro viloyati filialining tegishli buyrug‘iga asosan aybdor xodimlarga nisbatan tegishli choralar ko‘rilgan (aybdor xodimlarga nisbatan O‘zbekiston Respublikasi Mehnat kodeksining 100-moddasi 2-qismi 2-bandiga asosan (xodimning o‘z mehnat vazifalarini muntazam ravishda buzilganligi uchun) mehnat shartnomasi bekor qilingan, O‘zbekiston Respublikasi Mehnat kodeksining 181-moddasi 1-qismi

1-bandiga asosan “xayfsan” e’lon qilingan hamda O‘zbekiston Respublikasi Mehnat kodeksining 181-moddasi 1-qismi 2-bandiga asosan o‘rtacha oylik ish haqining 20 foizi miqdorida jarima qo‘llanilgan.

2-xolatda: Xizmat tekshiruvi jarayonida murojaatchi nomiga ipoteka krediti shartnomasi ramiylashtirilishida bank xodimlari tomonidan biror-bir korrupsiyaviy holat sodir qilinganliklari aniqlanmadni, biroq kredit yig‘ma jiddlarini shakllantirishda (kredit, garov va sug‘urta shartnomalari, to‘lovga layoqatlilik, monitoring holatini o‘rganish) xato va kamchiliklarga yo‘l qo‘yanligi uchun Samarqand viloyati filiali aybdor xodimiga nisbatan O‘zbekiston Respublikasi Mehnat kodeksining

181-moddasi 1-qismi 2-bandiga asosan o‘rtacha oylik ish haqining 10 foizi miqdorida jarima intizomiy jazo chorasi qo‘llanildi.

Bank manfaatlariga zarar yetkazgan holda xodimlar o‘z lavozim vazifalaridan foydalanib tanish-bilishchilik, o‘zlarining yaqin qarindoshlari yoki do‘srlariga noqonuniy imtiyozlar, kreditlar berish holatlari aniqlangan taqdirda belgilangan tartibda javobgarlikka tortilishi haqida barcha bank xodimlari ogoxlantirildi va kreditlash jarayonlarida qarz oluvchi bilan aloqador shaxslar (mahalliychilik, do‘srlari va ularning yaqin qarindoshlari) haqidagi ma'lumotlarning mavjudligi, garovining xaqqoniy baholanishi, kredit monitoringini qat‘iy nizom talablariga asosan amalga oshirish bo‘yicha topshiriqlar berildi.

**Axborot va bank xavfsizligi departamenti
Komplaens nazorat va korrupsiyaga qarshi kurashish
boshqarmasi**